

1,359 premis patuh SOP PKPP

Keseluruhan sebanyak 1,368 premis yang diperiksa oleh pegawai penguat kuasa KPDNHEP

KUALA LUMPUR

Sembilan premis perniagaan diberi nasihat kerana tidak mematuhi prosedur operasi standard (SOP) Perintah Kawalan Pergerakan Pemulihan (PKPP) kelmarin.

Menteri Kanan (Keselamatan) Datuk Seri Ismail Sabri Yaakob berkata, sebanyak 1,359 premis pula mematuhi SOP ditetapkan daripada keseluruhan 1,368 premis yang diperiksa melalui pemeriksaan khas pematuhan SOP itu yang dijalankan pegawai penguat kuasa Kementerian Perdagangan Dalam Negeri dan Hal Ehwal Pengguna (KPDNHEP).
 "Dalam tempoh PKPP, kerajaan ingin menggesa pengu-

saha dan orang ramai supaya sentiasa mengamalkan kawalan sendiri termasuk penjarakan sosial dan kebersihan diri terutama dalam aktiviti jual beli barangan keperluan harian," katanya dalam kenyataan di sini semalam.

Menurutnya, penguat kuasa KPDNHEP juga membuat pemantauan harian terhadap 25 jenis bekalan barangan di 845 premis perniagaan termasuk peruncit (639), pemborong (175) dan pengilang (31) kelmarin.
 Katanya, secara keseluruhan bekalan barangan keperluan mencukupi dan mampu menampung keperluan dalam negara yang berterusan serta mudah diperoleh.

"Kementerian Pertanian dan Industri Makanan turut membuat pemantauan pada peringkat pengeluaran makanan dan memberi jaminan bekalan barangan keperluan mencukupi.
 "Oleh itu, orang ramai dinasihatkan agar tidak bimbang dengan bekalan makanan dan keperluan," katanya.



ISMAIL SABRI

Orang ramai dinasihatkan supaya mengamalkan kawalan sendiri penjarakan sosial dan kebersihan diri terutama dalam aktiviti jual beli barangan keperluan harian semasa tempoh PKPP.

keluarga (satu), aktiviti melibatkan kehadiran orang ramai yang menyukarkan penjarakan sosial (satu) dan aktiviti melanggar SOP (dua)," katanya.

Ditanya mengenai kawalan sempadan negara, beliau berkata, tiga warganegara asing ditahan semasa sekatan jalan raya Operasi Benteng atas kesalahan

imigresen.

"Kerajaan akan mengambil tindakan tegas terhadap mana-mana pihak yang cuba memasuki sempadan negara secara haram dan agensi penguatkuasaan terus mengetatkan kawalan kawasannya di lorong-lorong tikus," kata beliau. - Bernama